



Sizdan boshlanadi asli tafakkur...

Boymatova Gulnoza Odilovna,

Toshkent viloyati Angren shahar

XTB boshlang'ich ta'lim uslub birlashma rahbari

Xodjimatova Nigora Toshmatovna

Toshkent viloyati Angren shahar

34-maktab internati

oliy toifali ona tili va adabiyot fani o'qituvchisi

O'qituvchi, murabbiy, ustoz. Oddiygina bu so'zlar zamirida shunchalik katta ma'no va mazmun borki, uni ta'riflashga ba'zan so'z ham ojizlik qiladi. Zero, har qaysi inson o'qituvchining qo'lida savod chiqaradi, murabbiy va ustozdan ta'lim oladi, tarbiya topadi. Bugun biz biron kasbni egallab, Vatan va el koriga yarayotgan ekanmiz, avvalo, ulardan minnatdor bo'lishimiz tabiiy, albatta.

Mamlakatimizda har yili **1-oktabr** – ana shunday mo'‘tabar kasb egalari bo'lgan O'qituvchi va murabbiylar kuni umumxalq bayrami sifatida keng nishonlanib kelinmoqda. Yurtimizda istiqloq yillarida o'qituvchi va murabbiylik kasbi tom ma'noda qadr va e'zoz topdi. Bu haqda gap borar ekan, o'tgan yillar davomida shahar va qishloqlarimizda zamonaviy talablar asosida bunyod etilgan maktab, litsey va kasb-hunar kollejlarni, ularning moddiy-texnik bazasini mustahkamlash, ilg'or pedagogik va axborot texnologiyalari, o'quv-mashg'ulot va laboratoriya xonalarini tashkil etish, darslik va qo'llanmalarning yangi avlodini yaratish, malakali kadrlarni tayyorlash yo'lida amalga oshirilgan keng ko'lamli ishlarni aytib o'tish o'rinli bo'ladi.

Eng muhimi bunday zamonaviy bilim maskanlarida jonkuyarlik va fidoyilik ko'rsatayotgan o'qituvchi va murabbiylarni moddiy va ma'naviy qo'llab-quvvatlash, ularning mehnatini munosib rag'batlantirish bo'yicha o'ziga xos yangi tizim joriy etildi. Bu bejizga emas, chunki ularning mehnati ana shunday yuksak e'tiborga va e'zozga munosibdir. Zero, yosh avlodni teran bilimli va yetuk mutaxassis bo'lib etishishlarida ularning beminnat xizmatlari ulkan. Ana shunday ustozlardan biri Xodjimatova Nazira Toshmatovnadir. Jonkuyar va fidoiy ustoz



Angren shahar 34-sonli tayanch-harakat a'zolari shikastlangan bolalar uchun ixtisoslashtirilgan maktab-internatining oliy toifali boshlang'ich sinf o'qituvchisi sifatida faoliyat yuritib kelmoqda. Xodjimatoва Nazira Toshmatovnaning pedagogik faoliyatini boshlaganiga bu yil 27 yil to'ldi. Pedagog o'z faoliyati davomida ta'lim jarayonida zamonaviy pedagogik, innovatsion va axborot texnologiyalarni tadbiq etib, ilg'or ish tajribalarini ommalashtirgan holda yosh avlodning har tomonlama yetuk hamda barkamol insonlar bo'lib voyaga yetishlariga beminnat hissasini qo'shib kelmoqda.

Ustoz Xodjimatoва Nazira Toshmatovna 1974-yil 1-yanvarda Ohangaron tumanida hunarmand oilasida tavvalud topgan. O'zining tirishqoqligi, bilimi bilan 1990-yil shu tumandagi 27-maktabni oltin medalda tugatadi va TVDPI oliygohining BTM va ruhshunoslik yo'nalishi bo'yicha o'qishga imtihonsiz, suhbat asosida talabalik safiga qabul qilinadi. 1995-yilda oliygohni muvaffaqiyatli tugatganidan so'ng "Umumiy pedagogika va psixologiya" kafedrasida o'qituvchi lavozimida pedagogik faoliyatini boshladi. Ushbu kafedrada "Umumiy psixologiya", "Ijtimoiy psixologiya", "Yosh davrlari va pedagogic psixologiya" fanlaridan ma'ruza, seminar, laboratoriya mashg'ulotlarini muvaffaqiyatli olib bordi. Fidoiy ustozimiz TVDPIda 1995-2010-yillarida o'qituvchi, 2010-2014-yillarda esa katta o'qituvchilavozimida faoliyat yuritgan. Ustoz "Pedagogik jamoadagi ijtimoiy psixologik iqlimni optimallashtirish muammolari" mavzusida ilmiy tadqiqot ishlarini olib borgan. Respublika ilmiy-nazariy anjumanlarida va OAK jurnallarida 40ga yaqin ilmiy maqolalari, uslubiy qo'llanma va uslubiy tavsiyalari chop etilgan.

Ayniqsa, Xodjimatoва Nazira Toshmatovnaning 2010-yilda Qozog'iston Respublikasi Chimkent shahrida o'tkazilgan halqaro konferensiyadagi innovatsion g'oyalarni jamlagan ijodiy ishi diqqatga sazovordir. Shuningdek, ustozning 2012-yilda O'zbekiston Respublikasi Oliy va o'rta maxsus ta'lim vazirligi Mirzo Ulug'bek nomidagi O'zbekiston milliy universiteti "Psixologiya" kafedrasidan "XXI asr psixologiyasining nazariy va amaliy muammolari"ni o'rganishga bag'ishlangan Respublika ilmiy-amaliy konferensiyasidagi "Psixologik taqdiqotning umummetodologik va xususiy metodologik tamoyillari" mavzusidagi ilmiy maqolasi ham uzoq yillik izlanishlari samarasi bo'ldi. 2014-yil 30-mayda "Iste'dodli bola:ta'limi va tarbiyasi masalalari" mavzusidagi konferensiyadagi "Sog'lom avlodni tarbiyalashda psixologik iqlimni optimallashtirish



muammolari” mavzusidagi maqolasida psixologik iqlim yaratish bo‘yicha tavsiyalar yoritib berilgan edi.

Xullas, ustozning bu kabi ko‘plab ilmiy maqolalari yosh avlodni tarbiyalashda muhim qo‘llanma vazifasini bajaradi.

2014-yilda TVPI tugatilganligi sababli Xodjimatova Nazira Toshmatovna Angren shahar 34-sonli ixtisoslashtirilgan maktab internatida psixolog lavozimda o‘z faoliyatini davom ettiradi. Bu davrda ustoz psixoprofilaktika ishlari, psixokorreksion ishlari, psixologik maslahat ishlari va psixologik-ma’rifiy ishlari bo‘yicha o‘quvchilar bilan individual, guruh psixologik tushuntirish ishlarini olib bordi. Shahar o‘tkazilgan “Yil psixologi” ko‘rik-tanlovida faol ishtirok etib, faxrli 3-o‘rinni qo‘lga kiritdi. 2015-2016-o‘quv yilining sentabr oyidan shu maktab internatda boshlang‘ich sinf o‘qituvchisi lavozimida ishlab kelmoqda. Ijodkor ustozning ilg‘or ish tajribasi shahar, viloyat seminarlarida ommalashtirilgan.

Ustoz qaysi sohada faoliyat yuritmasin o‘zining fidoiyligini ko‘rsatib berardi. Uning tahsil bergan shogirdlari bugungi kunda Respublikamizning turli hududlarida yuqori lavozimlarda ishlayotganligi fikrimizning isbotidir. Eng quvonarlisi, Xodjimatova Nazira Toshmatovnaning O‘zbekiston Respublikasi Oliy va o‘rta maxsus ta’lim vazirligining 2008-yil 20-avgustdagi 229/256-sonli buyrug‘iga asosan “Bosjlang‘ich sinflarda masofaviy ta’lim” dasturi bo‘yicha Germaniya Federativ Respublikasida o‘qish safariga muayassar bo‘lganligidir. Professor doktor H.J.Knaupe tomonidan sertifikatga ega bo‘lgan ustoz o‘z tajribalari bilan yana ishlashda davom etdi.

Xodjimatova Nazira Toshmatovna va uning faoliyati haqida juda ko‘p fikrlarni yoritish mumkin. Ustozning mashaqqatli mehnati o‘z samarasini berayotgani uning mahoratini, metodikasini namoyon etadi. O‘qituvchi o‘z nomi bilan ham boshqa soha kasb egalariga qaraganda ma’naviy go‘zallikni o‘zida to‘lig‘icha mujassam etgan bo‘lishi, o‘z mahorati ila ibrat namunasi bo‘lishi lozim. Zero, o‘qituvchida oddiy mahorat emas balki, inson bilan ishlash mahorati bo‘lishi kerak-bunda insonparvarlik eng asosiy o‘rinda turadi. Insonning nozik qalbiga yo‘l topish, o‘z faniga, ilmiga qiziqish uyg‘otishda psixologiya, pedagogika ilmini, o‘z fanini bilish o‘qituvchi uchun naqadar muhim bo‘lsa, insonning



nozik qalbiga yo‘l topib ilmu ma‘rifatga muhabbat uyg‘otish uchun ijodkorlik san‘atini egallagan bo‘lishi ham zarur. Chunki pedagogik qobiliyat, pedagogik texnologiya, bilim, tajriba, malaka, ijodkorligi, psixologik mahorati bilan aqliy, ruhiy mehnati orqali shaxsni shakllantirshda yo‘naltiruvchi, bilim beruvchi o‘qituvchi-bu zamonaviy ijodkor o‘qituvchi. Xodjimatova Nazira Toshmatovna ham ana shunday ijodkor tajribali ustoz ekanligini isbotladi. Ustozni kasb bayrami bilan tabriklagan holda uning mashaqqatli kasbida omad tilab qolamiz.